

Broj:

Datum: 18.03.2024. godine

SKUPŠTINA KANTONA SARAJEVO

n/r gđin. Elvedin Okerić, predsjedavajući Skupštine

PREDMET: Zastupnička inicijativa, - dostavlja se. –

Poštovani,

Na osnovu članova 106. i 213. Poslovnika Skupštine Kantona Sarajevo upućujem

zastupničku inicijativu:

- Podnosim inicijativu za održavanje tematske sjednice Skupštine Kantona Sarajevo o sigurnosnoj situaciji u Kantonu Sarajevo, a na kojoj će obavezno biti prisustvo policijskog komesara i načelnika sektora/jedinica u Upravi policija Ministarstva unutrašnjih poslova Kantona Sarajevo.

OBRAZLOŽENJE

Sigurnosna situacija u Kantonu Sarajevo nije zadovoljavajuća, a obaveza Skupštine Kantona Sarajevo i Vlade Kantona Sarajevo je da poduzmu mjere i radnje iz svoje nadležnosti kako bi se sigurnosna situacija popravila.

Ranjavanje djevojke na Bašćaršiji, teške saobraćajne nesreće, a posebno nesreća u kojoj su smrtno stradale dvije mlade doktorice na Marijin Dvoru, upravljanje maloljetnika motornim vozilima, učestale masovne tučnjave, napadi navijača na policijske službenike, likvidacija na Stupu, likvidacija na Otoci, pucnjava na Kovačima, pucnjava kod Muzičke škole samo su neki od brojnih događaja koji su se desili u posljednjem vremenskom periodu i koji moraju biti alarm Skupštini Kantona Sarajevo da se ozbiljno pozabavi sigurnosnom situacijom u Kantonu Sarajevo.

Policijski službenici Uprave policije Ministarstva unutrašnjih poslova Kantona Sarajevo rade težak posao i pokušavaju se izboriti sa sigurnosnim izazovima, ali mora postojati odgovornost onih koji rukovode njihovim radom za situaciju koja je daleko od zadovoljavajuće.

Sarajevo ne smije biti grad o kojem će se ponajviše pričati u kontekstu teških saobraćajnih nesreća, obračuna navijačkih grupa, pucnjava, likvidacija i tako dalje. Zbog svega naprijed navedenog od ključne je važnosti da se održi tematska sjednica na kojoj će policijski komesar i načelnici sektora/jedinica u Upravi policije Ministarstva unutrašnjih poslova Kantona Sarajevo odgovoriti na pitanja zastupnika, ali i iznijeti argumente zbog čega nisu u stanju da osiguraju veći stepen sigurnosti na području Kantona Sarajevo.

Pitanje sigurnosti je pitanje koje prevazilazi politiku i koje se mora otvoriti na sjednici Skupštine Kantona Sarajevo. Nema mjesta populizmu na ovakvim pitanjima.

I opozicija i pozicija moraju imati isti interes, a to je Kanton Sarajevo kao sigurno mjesto života naših građana.

Svi zajedno trebamo dobiti odgovore na pitanja i iznaći rješenja za popravljavanje sigurnosne situacije u Kantonu Sarajevo.

Sarajevo,

ZASTUPNIK U SKUPŠTINI

KANTONA SARAJEVO

Aljoša Čampara

Attendee panel closed